

Ronata'karí:tek ne onkwaksa'taó:kon tánon tóhsa ne ionterihwaienstákhwa kahnrá:tarin.



Kahiatón:nion nahò:ten ionterihwaienstákhwa Tahonwanaweéhston

Ne sheién:'a ionterihwaiénstha ne Ontario, ónenk tsi teiontataweéhste ki tsi nikahnró:ten's aorihwá:ke:

- Ienontsí:ne / iehshón:ne káhnra
- Wahsha'kahtsherá:ksen
- Iakonenskwará:kerens
(Ratiksaokón:'a ne 2010 tóka ni' sénha ohná:ken ronennakerá:ton)
- Iako'tonhkwahrhoskó:wa
- Iohnirha's ne okehte
- Aieia'takénheie
- Iakota'kerahkwén:ni
- Eniotakwarón:ta'ne iehnia'saktóntie
- Testiatíé:ren ne iakota'kerahkwén:ni

Ne oiáshon shékon tahonwanaweéhste iaháse ne Ontario's Immunization Schedule ne ontario.ca/vaccines.

Sewáhsehr ne Ontario akonwá:rio ne káhnra

Ne sawí:raien, ne ohén:ton í:kate tóhsa' thénon nahotíiá:tawen ne sheiookón:'a tánon ahonata'karí:teke. Akwé:kon ne ratiksaokón:'a ronterihwaiénstha 4 tsi níióre ne 7 tehonohseríiá:kon aó:wen ne tahonwatinentshaweéhste rón:ton ne Ontario tehshakonaweéhstha aiório ne káhnra. Ne tahonwanaweéhste entiakóhnhe ne ratiksaokón:'a tóhsa ahotíié:na ne iótteron káhnra ne watié:sen taontehnró:ko ne ionterihwaienstákhwa.

Ne Tahonwanaweéhste Ronterihwaiénstha Aoianerénhsera, wentá:on' ne ratiksaokón:'a enhserihwahní:rate tsi tehonwanaweéhston ne iako'tonhkwahrhoskó:wa, iohnirha's ne okéhton, aieia'takénheie, aiakota'keráhkwen, eniotakwarón:ta'ne iehnia'saktóntie, testiatíé:ren ne eniakota'keráhkwen, káhnra ienontsí:ne tóka ni' iehshón:ne, wahsa'kahtsherá:ksen tánon ne ratiksaokón:'a 2010 tóka ni' sénha ohná:kénke iakonenskwará:kerens ne ahonteweiénste tóka' eniakoianerénhseraién:ta'ne thonek enwá:ton. Ne iah akwé:kon tha'tehonwanaweéhston, iah ki' thaónton ahonteweiénstá:na.

Wentá:on' ken' nénhshiere

Tesewatháren ne ata'karitáhtshera rotíi'ó'te tóka ni' iahá:se tsi nónwe akwé:kon ieiéntha orihwí:io ahsón:ni akwé:kon nahò:ten ne ionterihwaienstákhwa kari'wanón:tha akwe teiontataweéhston.

Tóka akwé:kon ne sheién:'a nia'teiontataweéhston iah ki' ne óia tekari'wanón:tha. Saterién:tare ken tsi í:se sarí:waien ne ahsaten'nikón:raren tánon ahsathró:ri ne kahiatón:nion tsi teiontataweéhston? Iah ronónha ata'karitáhtshera rotíi'ó'te tehati'nikón:rare. Tóka' íhsehre í:si' nón:we naesató:kénhse ne tahonwanaweéhste aorihwá:ke iahá:se ne ontario.ca/vaccines.

Wentá:on' tewakwé:kon entitewatatéhnhe.

Nó:nen tenhonwanaweéhste ne sheiookón:'a, enhshe'niá:kenhte ne teiohnranón:iani's ne sháka ne ronatia'ke ratiia'taktón:tie.

Ónen í:si' nónwe ne 200 niiohserá:ke sha'tehonwanaweéhstha ne onkwehshón:'a tsi niiohóntsa tsi tsako'niakéntha tóhsa aiaie:heie!

Teietshinéntshaweest she'nikón:rarak ne sahwa:tsire tóhsa' ahotinonhwákten ki éhtake káhnra.

PERTUSSIS (wahsha'katsherá:ksen)

Iakó:ra's ne wahsha'katsherá:ksen, kariwes enhónhsa'ke ne ratiksaokón:'a, nithotiíon:sa tánon ne ronatehiá:ron. Ióttaron ne wahsha'katsherá:ksen ne owiraahshón:'a raotirihwá:ke. Enwá:ton ne ónen enhónhsa'ke ne ratiksaokón:'a enhóntstike tánon iah óksa'k tha'taontahóntonrie. Enwá:ton ni' aietsinakwanóhste ia'tenkaté:ni, tóka ni' otsi'seronwáhta enkahétkenhte, owiraahshón:'a iehonahton'se nen'é:e.

VARICELLA (iakonenskwará:kerens)

Iakó:ra's ne iakonenskwará:kerens teniehwishénheie, eniakonon'waranón:wake, 39 °C neniako'tonhkwáhrho, eniewistóhske, eniakoia'tanonhwákhon sewenhni:sera tóka ni' tewenhniserá:ke ohén:ton onekwénhtara ioronhkwa eniakota'keráhkwen. Sewatié:rens ióttaron nahò:ten ia'tenkaté:ni né:ne akohnónkne entioná:khwen, eniakohonhtanón:wake tánon enietsinakwanóhste.

IENONTSÍ:NE TÓKA NI' IEHSHÓN:NE KÁHNRA

Ne entioná:khwen ne ienontsi:ne tóka ni' iehshón:ne káhnra iotteron nahò:ten ia'tenkaté:ni ne ó:ni ne kwah í:ken tsi iakó:ra's káhnra ne eniakóra'ne tóka' skátne í:sene'skwe ne iakota'kari:te nek tsi iehnrénhá:wi skátne í:kene'skwe ne iakononhwáktani, enwá:ton akonekwenhsá:ke enwahétken'ne, otsi'seronwáhta, tánon ne iehshón:ne.

IOHNIRHA'S NE OKÉHTON

Iohnirha's ne okehton tóka ni' iah thaonsón:ton taióntskara'we, tóka' iothré:nen ne sénhnon tánon teio'tion enwatá:weia'te. Enwá:ton eniosennákarahske ne okéhte tánon ióttaron tsi ensaié:na ensaia'tón:tawe'te.

Iorihowá:nen kahiá:ton:

Ronterihwaiénstha tóka iah akwé:kon tehatihawe ne ata'karitáhtshera rotiió'te ne akwé:kon tahonwanaweéhston enwá:ton ki' ne eksá:'a enshakotihró:ri iah thaón:ton aonsaionteweíénste tsi niio:re enhatiié:na ne kahiatónhsara.

Toká' ne sheién:'a iah thaón:ton taiontataweéhste, aesathontá:ton tesewathá:ren ne ata'karitáhtshera rotiió'te. Ne ka'nihsténhsara/ka'nihsera tóka' iah ténehre taiontataweéhste ne ontatién:'a tánon iah káhnra tahontakarihón:ni wentá:on' ki' enhiateweiénste oh nontié:ren tsi kari'wanóntha tahonwanaweéhste. Ne iah tha'tehonwanaweéhston ratiksaokón:'a sénha ki' watié:sen ahoti:ra'ne ontíé:ren'k é:ren enhonwatiia'tenháwihte ne tsi ionterihwaiénstákhwa tsi nikari:wes kahnratari:ne's.

IAKO'TONHKWAHRHOSKÓ:WA

Ioténhrátteron kí:ken ne se'nionhsá:ke, sniá:sakon tánon ne senhnónkne. Ensahnia'sanón:wake, ensen'tónhkwarho tánon enhsewistóhske. Ne iako'tonhkwahrhós:kó:wa kahetkéntha ne aiontón:rie, akaweriá:ne tánon ne otsinionhiáhton.

AIEIA'TAKÉNHEIE

Ioténhrátteron ne ahshia'takénheie, ne ónkwe tsi eniehnékí:ra tóka ni' nahò:ten énieke tánon tho iotéhnra ne aieia'takénheie. Enwá:ton ni' óni ónkwe teniontatehnráhrho, kahetkéntha ne otsinionhiá:ton, tsi niakónhnhes enieia'takénheie tóka ni' eniaieheie.

ENIOTAKWARÓN:TA'NE IEHNIASAKTÓN:TIE

Iakó:ra's ne eniotakwarón:ta'ne iehnia'saktóntie ieiá:takon tewatehiá:rons, eniako'tonhkwáhrho tánon enwá:tohwe iehnhó'kwake tsi iehshaká:ronte tánon iehnia'sá:ke. Enwá:ton enkahétkenhte tenionhóntakweke tánon otsi'seronwáhta enio'tonhkwáhrho.

IAKOTA'KERAHKWÉN:NI

Kwah í:ken tsi iakó:ra's ne eniakota'keráhkwen. Kwah í:ken tsi eniako'tonhkwáhrho, eniónhsa'ke eniakota'keráhkwen, eniakotsi'nionhkeró:ten tánon onekwénhtara neniá:wen'ne iekahra'ké:shon. Ne iakota'kerahkwén:ni enwá:ton eniakohonhtanón:wake tánon enietsiná:kwanohte.

TESTIATÍÉ:REN NE IAKOTA'KERAHKWÉN:NI

Iakó:ra's ne iakota'kerahkwén:ni ieiá:takon entewatáhsawen, eniako'tonhkwáhrho, eniakota'keráhkwen, eniakonon'waranón:wake, eniakotsi'nionhkeró:ten tánon onekwénhtara neniá:wen'ne iekahrakón:shon (wahshénra oká:ra) ratina'tónhkhwa. Ióttaron ne iotiwirahrhá:re tánon ne owirá:'a aotirihwá:ke tánon athoráhsara ne iakotehiá:ron.